

Aruba Palm Beach na gracia di Hulanda

SI ARUBA INTRODUCI MEDIDANAN DI IMF HULANDA TA YUDA DEN PROYECTO HOTELERO

ORANJESTAD(AAN)—E trabaonan na Aruba Caribbean Hotel ta continua. Brederode a ricibi e promer pago di Bank of Nova Scotia, y ta realizando labornan den e interior di e hotel. Hende ta wordo tuma den servicio y e proyecto ta wordo ejecuta manera a wordo planea na momento cu a dicidi pa e inversion di 30 Millon. Pero cu e proyecto aki, aparentemente Aruba a pasa e quutum na Hulanda y esey ta haci dificil pa los e 28 Millon cu Amro Bank lo mester

presta. Hulanda ta dispuesto pa yuda, pero esey ta encera, cu Aruba mester tuma medidanan manera propone pa IMF, segun DIARIO a wordo informa, pa fuentenan sumamente digno di credito.

Mientras tur cos lo por ta cla pa cuminsa cu desarojo di e proyecto Aruba Palm Beach, pa cual te dia 1 di September Aruven tin un contrato cu Hyatt Ballast, ta depende na Hulanda kico lo pasa. Aruba ta na gracia di Hulanda pa loke ta trata e proyecto aki, cu tin

interes di e cadena hotelero internacional, Hyatt International, cu ta dispuesto pa participa den e compania nobo Holco, y tambe pa despues keda encarga cu operacion di e hotel.

Pero lo a resulta cu e quutum a wordo pasa na Hulanda y e Ministro di Finanzas di Hulanda kier yuda, pero su exigencia lo ta cu Aruba mester introduci e medidanan di IMF.

Na momento cu Gobierno di Aruba ta cla cu introduccion di e medi-

danan, Hulanda lo ta cla pa soluciona e actual problema pa asina a base di e prestamo por cuminsa cu e desarojo di e proyecto pa renovacion di Aruba Palm Beach Hotel.

Lo por compara pues e hotel cu un rehen, en espera di medida pa wordo alivia.

Mientrastanto, Promer di September ta acercando. Si noticia wordo ricibi di Hulanda cu e lo yuda los e financiamiento, lo por sigui spera. Pero si no por, Aruven lo mester bolbe trata na bende e hotel, den un situacion cu

no ta mucho diferente di algun tempo pasa, ora en vano a trata di bende Aruba Palm Beach.

Na Merca companianan cu ta cumpradornan potencial no kier financia proyectonan turistico den Caribe a raiz di e situacion politico cu a surgi na varios pais y tambe e desarojonan financiero na paisnan den vecindario.

E situacion no a cambia pero loke si lo cambia, si no haya sosten Hulandes ta e hecho, cu lo a perde un oportunidad pa desarojo ya e proyecto.

AINDA GOBIERNO NO A DICIDI KENDE LO BIRA DIRECTOR DI ARUVEN

ORANJESTAD(AAN)—Ainda Gobierno no a dicidi kende lo reemplaza señor Freddy Wever como director di Aruven.

Tabata na luna di Mei cu Freddy Wever a pidi su retiro como Director di Aruven entrante Juli.

Consejo di Comisario nan mester a haci un proposicion pa e accionistanan, leza Gobierno Insular, dicidi.

Mientras e asunto ta keda pendiente, proxima mente lo mester trata tambe e relato anual di 1984 di Aruven y pa esey na fin di Augustus manera ta wordo spera, lo mester tene un reunion.

Den conversacion cu Diputado Michael Kuiperi, kende ta Presidente Comisario di Aruven, DIARIO a wordo informa cu Gobierno ta atendiendo e

asunto. Nombrenan ta wordo menciona internamente pero decision concreto no a wordo tuma ainda.

Tin posibilidad cu lo bay tuma un decision den e mes reunion cu lo sirbi pa trata e relato anual. Mientras ta busca un

reemplazante pa Freddy Wever, tin indicacion cu por lo pronto Mando Muyale v Nopi Henriquez

Sigui lesa pag. 10

TARIFA DI AWA TA PROBLEMA PA ESNAN CU TA PRACTICA AGRICULTURA

ORANJESTAD(AAN)—Tarifanan nobo di awa ta significa un problema serio den sector di agricultura. Prijs di awa a wordo aumenta na un forma cu si e wordo incalcula den e prijs di e producto, esaki lo no por competi cu productonan agricola cu ta wordo importa.

Fuentenan a revela na DIARIO, cu lo tin alrededor di 16 persona cu ta traha den sector di agricultura y cu lo a manda un carta pa Gobierno pa pidi asistencia gubernamental den e materia aki. Segun


e grupo no por mantene e tarifanan nobo pa agricultornan.

Si e peticion no por wordo honra, nan lo no por sigui cu agricultura aparentemente, aunke di otro banda hopi ta wordo haci justamente pa promove agricultura.

Informantenan a bisa cu tin hopi hende cu ta usa awa di beerput pa finnan di agricultura, pero den esaki lo mester sondea tambe pa usa energia alternativa, comoquiera cu tarifa di coriente a subi, loke ta afecta e costo pa pomp awa for di suelo.

UNITED SECURITY INTERNATIONAL INSURANCE LTD.

AGENTE DI LUNA DI U.S.I.



Ariba e foto aki por mira momento cu Sr. Dennis Silva, Branch Manager di U.S.I. Aruba, den presencia di Sr. Asgar Ali, director di agencianan U.S.I. Trinidad & Tobago, ta entrega plaquette na Sr. Michael Hart, agente di aseguro di bida, di e compania, kende a ser nombra como Agente di luna di mei 1985

Na varios ocasion den pasado, Sr. Michael Hart a cualifica pa e premiacion prestigioso aki basa ariba su nivel halto di trabao y su servicio excelente na clientenan. Pa esaki, un biaha mas el a ricibi reconocimiento di United Security International Insurance L.T.D.